कब धन्य सुअवसर पाऊँ, जब निज में ही रम जाऊँ। कर्तादिक भेद मिटाऊँ, रागादिक दूर भगाऊँ।। कर दूर रागादिक निरन्तर आत्म को निर्मल करूँ। बल ज्ञान दर्शन सुख अतुल, लिह चिरत क्षायिक आचरूँ।। आनन्दकन्द जिनेन्द्र बन, उपदेश को नित उच्चरूँ। आवे 'अमर' कब सुखद दिन, जब दुखद भवसागर तरूँ।।४।।

## दर्शन-स्तुति

(पं. दौलतरामजी कृत)

(दोहा)

सकल ज्ञेय ज्ञायक तदिप, निजानंद रसलीन। सो जिनेन्द्र जयवंत नित, अरि-रज-रहस विहीन॥१॥ (पद्धिर छन्द)

जय वीतराग-विज्ञानपूर, जय मोहितिमिर को हरन सूर। जय ज्ञान अनंतानंत धार, दृग-सुख-वीरजमण्डित अपार।।२।। जय परमशांत मुद्रा समेत, भिवजन को निज अनुभूति हेत। भिव भागन वचजोगे वशाय, तुम धुनि है सुनि विभ्रम नशाय।।३।। तुम गुण चिंतत निजपर विवेक, प्रकटै, विघटैं आपद अनेक। तुम जगभूषण दूषणविमुक्त, सब मिहमायुक्त विकल्पमुक्त।।४।। अविरुद्ध शुद्ध चेतन स्वरूप, परमात्म परम पावन अनूप। शुभ-अशुभविभाव-अभाव कीन, स्वाभाविकपरिणतिमय अछीन।।५।। अष्टादश दोष विमुक्त धीर, स्वचतुष्टयमय राजत गंभीर। मुनिगणधरादि सेवत महंत, नव केवललिधरमा धरंत।।६।। तुम शासन सेय अमेय जीव, शिव गये जाहिं जैहें सदीव। भवसागर में दुख छार वारि, तारन को और न आप टारि।।७।। यह लिख निजदुखगद हरणकाज, तुम ही निमित्तकारण इलाज। जाने तातैं मैं शरण आय, उचरों निज दुख जो चिर लहाय।।८।।

मैं भ्रम्यो अपनपो विसरि आप, अपनाये विधि-फल पुण्य-पाप। निज को पर को करता पिछान, पर में अनिष्टता इष्ट ठान।।९।। आकृलित भयो अज्ञान धारि, ज्यों मृग मृगतुष्णा जानि वारि। तन परिणति में आपो चितार, कबहँ न अनुभवो स्वपदसार।।१०।। तुमको बिन जाने जो कलेश, पाये सो तुम जानत जिनेश। पशु नारक नर सुरगति मँझार, भव धर-धर मस्चो अनंत बार।।११।। अब काललब्धि बलतें दयाल, तुम दर्शन पाय भयो खुशाल। मन शांत भयो मिटि सकल द्वन्द्व, चाख्यो स्वातमरस दुख निकंद।।१२।। तातैं अब ऐसी करहु नाथ, बिछुरै न कभी तुव चरण साथ। तुम गुणगण को नहिं छेव देव, जग तारन को तुव विरद एव।।१३।। आतम के अहित विषय-कषाय, इनमें मेरी परिणति न जाय। मैं रहूँ आपमें आप लीन, सो करो होऊँ ज्यों निजाधीन।।१४।। मेरे न चाह कछ और ईश, रत्नत्रयनिधि दीजे म्नीश। मुझ कारज के कारन सु आप, शिव करहु हरहु मम मोहताप।।१५।। शशि शांतिकरन तपहरन हेत, स्वयमेव तथा तुम कुशल देत। पीवत पियूष ज्यों रोग जाय, त्यों तुम अनुभवतैं भव नशाय।।१६।। त्रिभुवन तिहँ काल मँझार कोय, निहं तुम बिन निज सुखदाय होय। मो उर यह निश्चय भयो आज, दुख जलिध उतारन तुम जहाज।।१७।।

(दोहा)

तुम गुणगणमणि गणपति, गणत न पावहिं पार। 'दौल' स्वल्पमति किम कहै, नमूँ त्रियोग सँभार।।१८।।

देवाधिदेव अरहंत के चरणों का पूजन समस्त दुःखों का नाश करनेवाला है तथा इन्द्रियों के विषयों की कामना का नाश करके मोक्षरूप सुख की कामना को पूर्ण करनेवाला है; इसलिए अन्य की आराधना छोड़कर जिनेन्द्रदेव की ही नित्य आराधना करो।

- पण्डित सदासुखदासजी : रत्नकरण्ड श्रावकाचार टीका, पृष्ठ 205

जिनेन्द्र अर्चना*"//////////*